

四庫全書

集部

欽定四庫全書

集部

文苑英華卷

八百九十九  
九百

詳校官庶吉士臣龍廷槐

助教臣常循覆勘

總校官進士臣朱 鈐

校對官助教臣羅萬選

謄錄監生臣毛 杞

欽定四庫全書

文苑英華卷八百九十九

宋 李昉等 編

職官七

贈秘書監李少康碑一首

殿中監張九臯碑一首

少府監胡珣碑一首

司農卿劉公碑一首

贈太常卿韋纘碑一首

故睢陽太守贈秘書監李公神道碑

獨孤及

漢家之建侯親親也以荆燕吳楚為首封而後嗣多材

世濟厥美辟強路叔更生子駿比肩而首

集無首字

出慶鍾

故也唐有天下肺腑是依有若江夏淮安河間東平以

明畧茂勲左右大業其休德粹氣降為百祥公子公孫

或哲或仁勤勞王家焜燿國牒從東平三葉後生睢陽

言春秋者謂公族多士與炎漢侔矣公諱少康字某太

祖高皇帝五代孫也太祖生雍王繪

繪字集作雍王

生東平

王紹紹

紹字集作東平王

生高平王道立道立

二字集作高平王

生畢

公景淑初畢公娶于太常京兆韋萬石女有才子三人  
伯曰孟康恭敬直溫謙光不耀官至太子左贊善大夫  
仲曰仲康弘毅密重文敏貞諒由尚書主客郎中剖符  
楚州楚人到于今由其教而思其躅公楚州之母弟也

纂二昭二穆為修

二字集  
作慎

身之烈允

集無  
允字

迪元方季方為

裕盡之範家貽其謀天終其休故畜為和氣播為盛德  
年始孩而畢公捐館七歲受孝經至喪親章捧書孺慕  
哀哽不食鄰里

集作  
伍

長幼為之涕泗既冠遭太夫人棄

敬

集作孝

養毀

集作直

貌茹毒泣血無聲者三年自是孝稱

親

集作鄉

黨名冠宗室會垂拱永昌已後天下有驚啄

集作

非

喙之譖

集作謠

七廟支庶不絕若綫公正志蒙難危行全

德貞厲二十年以俟道長中興後乃筮仕由朝邑縣尉

凡七徙官至尚書祠部郎中以大府司

集作上

佐授潞州

司馬用

集作因

考績彰聞拔為青州刺史于時海岱貢篚

衣履天下俗尚夸侈吏務豪華

集作奪

公以德禮示法度

以誅賞禁淫怠宣明教化飾行尊師

集作飾

使刺繡倚

行帥先

市者悉反耕織於是貪者廉善者勸海濱之俗變至鄉

魯按察使戶部郎中宋遙以狀聞璽書褒異遷公于

集作

於常州賜一子出身常之吏民望公風聲其苛詭

集作奇褒

借濫者解印綬自去比及下車無為而人和復以高第

擢拜徐州刺史先是歲比大旱

集作

人流者什五六公

條奏逋逃之名削去其版然後節用務本薄征緩刑以

來之歲則大穰人不患寡浮墮

集作

自占者至數千萬

優詔嘉美

集作

賜帛二百疋玄宗天寶

二字集

元年改

宋州為睢陽郡命公為太守淮湖漕輓刀布輻輳萬商射利姦之所由聚也公謂非勝之艱安之惟艱故峻其侵漁之令弘其并容之仁吏或不廉不恪不惠不迪糾之詰之必誠必信誠信不欺故獄市不擾獄市不擾故

集無此五字

閭里

集作井

輯睦由是飲公純固之德者如餒者

得哺寒者得纊有司方將計課以聞天不惠於宋乃崇降厲疾三年春賜告歸洛陽是歲十二月丙午薨春秋六十有四宗室悽欷士友共悲

集作失圖

宋徐之人輟春相



言明年某月遷宅兆于京兆見子原先塋禮也公雅善

屬辭有集二十卷晚節好集作禪味耽道論嘗傳道德

上下經五千言為之訓解以究微旨其為政貞方廉靜

明達端懿嚴不殘直不訐清不矯時善不徇名交友推

誠好惡中節博見強志親仁愛士居儉集作用晦遭時

利往行藏之機與道屈伸未始以去就寵辱繫于懷三字

集作瀆其出處而壽位未極其量也故休祐復集於後昆夫人

某縣太君廣平程氏生元子曰涵以忠文孝讓儀刑王

室天子謂可內司九法外鎮百城大歷七年夏五月由

尚書兵部侍郎為御史大夫蘇州刺史巡省江左邁德

貽訓之所及也夫人沛國武氏以繼室生仲子汗季子

集作汗弟濃皆卿

集作公

材而不幸早亡

集作世

某年月日朝廷

建推恩之令追贈公秘書監大夫之孝達於祖禰也及

嘗忝禮官之屬知王族

集作侯

之廟桃昭穆與功烈德善

故受命于

集作於

大夫酌而為志著之樂石以代烝彝云

敦叙九族聖風所始公生德門運叶麟趾王曰叔父高

陽才子績乃祖服以

集作似

績介祉底績三署舊章孔修

赤舄彤幃牧彼四州明照茲訖仁覆隱憂神罔時怨民

斯緝

集作輯

柔民之不幸公壽不永王曰彼天匪憇俾屏

仁泱鰥寡道在彞鼎臧孫有後遺烈煥炳

### 殿中監張公神道碑

公諱九臯其先范陽人也昔軒轅少子以弦弧受氏別  
封於張留侯以五代相韓安世以七葉榮漢特生間氣  
鍾美大賢餘慶遺芳襲于令嗣矣晉末以永嘉南渡遷

于江表皇朝以因官樂土家于曲江高祖守禮隋鍾離

郡塗山令

唐宰相世系表作丞

曾祖君政皇朝韶州別駕祖胄皇

朝越州剡縣令烈考弘愈皇朝太常卿廣州都督皆世

濟明德不隕令名公特稟中和誕生淳懿恭惟色養孝

自因心早歲丁太常府君憂孺慕銜哀藥棘無怙毀能

達禮志若成人及日月外除而顧復就養思致逮親之

祿方求筮仕之階贏金不珍琢玉成器殖學以明道修

身以踐言弱冠孝廉登科始鴻漸也嶺南按察尚書裴

由先幕府求賢輶車問俗以公後進之秀籍以從車表授海豐郡司戶水變貪泉珠還合浦時所稱也其後五溪阻兵郡蠻聚畧帝命按察使裴由先討焉以公有罇俎之謀韜鈴之用奏授南康郡贛縣令於是坐其帷幄置以戎車公武能宣威文可化俗軍興倚辦供億無留前宣慰使梁勛奏公清白有聞後宣慰使竹承構奏公戶口增益其稱尤異褒進上聞特加朝散大夫遷巴陵郡別駕初丞相曲江公則公之元昆自始安郡太守兼

五府按察使以為越井殊方廣江剽俗懷柔之寄實在  
腹心奏公俱行可為內舉遂授南康郡別駕季弟九章  
亦為桂陽郡長史太夫人在堂賜告歸寧承歡伏臘白  
華共展於晨夕衣錦時入於鄉閭棣萼美於詩人德星  
聚於陳氏代所稀也無何丁於內艱柴毀粥勺飲不  
納至性聞於州里孝感達於神明白雀馴狎於倚廬黃  
犬號隨於行哭表其意也服闋除殿中丞又遷尚書職  
方郎中起草含香停車待漏位高玄象職在彌綸及曲

江公翊贊廟謀鹽梅鼎寶講德論道求賢審官以職量  
通明與聞其議故能致君堯舜克濟忠貞公之佐也及  
元昆出牧荆鎮公亦隨貶外臺遂歷安康淮安彭城睢  
陽四郡守所蒞之邦必聞其政作人父母為國循良於  
是瑞鵲成巢嘉禾合穎祥烏素翟而狎至焉考績議能  
詔書褒異遂遷襄陽郡太守兼山南東道採訪處置使  
以聯率之權授以澄清之任化行江漢惠及黎民進封  
南康縣開國男賞有功也屬南夷不襲西蜀騷動掎角

之勢連于嶺隅以公有經畧之才委公以干城之任乃  
除南海太守兼五府節度經畧採訪處置等使攝御史  
中丞賜紫金魚袋天書盈篋廐馬在庭恩華寵光旁午  
道路公召募敢勇繕治樓船綏懷遠人安輯獷俗或指  
劔山之路或出銅柱之鄉以迴舶運糧省汎舟之役以  
于一作子來授甲寬土著之人寄重務殷用省功倍天子  
嘉之特賜銀青光祿大夫兼手詔益封開國伯食邑七  
百戶旌其能也且五府之人一都之會地包山洞境濶



海隅異域殊鄉往來輻湊金貝惟錯齒革實繁雖言語不通而贄幣交致公禁其豪奪招彼貿遷遠人如歸飲其信矣秩滿遷殿中監皇輿盡飾玉食惟精六尚委能一心主辦服御器用必信必誠勤勞不遑積憂成痼以天寶十四載四月二十日疾亟薨于西京常樂里之私第春秋六十有六嗚呼哀哉哲人其萎邦國殄矣皇上哀悼賙贈盈門給遞還鄉首丘歸本遂贈廣陵郡大都督府長史禮儀哀制延素握髮可謂飾終以明年葬于始

興郡洪義里武陵原夫人弘農譚氏襄陽郡夫人國子  
博士知幾之子克訓母儀用光闡則粵以永泰三年薨

南康郡次以大歷四年合祔焉禮也嗣子十一人長曰

捷

唐宰相世系表作揆

前端州刺史次曰權

世系表作權

前右金吾衛

兵曹叅軍次曰撫試大理司直康州刺史次曰祝

世系表作

抗檢校戶部郎中兼御史中丞賜紫金魚袋朔方邠寧

節度行軍司馬次曰捍

世系表作捍

前弘文生皆王之蓋臣

國之多士令德之後必大其門公嘗與季弟同泛滄溟

舳舻舳舻凡數百輩忽驚颺震發駭浪山連當呀呷之  
時謂汨沒同盡為猿為鶴曷可保焉而中宵還風漂泊  
孤嶼遲明相視各在津亭同役之人僅有存者則知商  
丘蹈信入之而不傷呂梁履忠游之而莫惴愷悌君子  
福履綏之宜其克享永年亦既逢吉且公之立身可謂  
盡美居喪致哀稱其孝也入幕決勝稱其才也列在藩  
翰則德化之政聞授之斧鉞則式遏之功著佐元昆則  
潤色王業睦諸季則致美閨門至於推挽忠良揄揚俊

又力行不怠時議高之夫死生有涯古今同盡歿而不朽君子避之斯忝跡儒林嘗讀舊史覽賢人之事業知盛德之在焉敢揚休聲以誌貞石銘曰

軒轅錫羨百代蕃昌弦弧得姓受邑于張五代相韓七貂居漢平子數術茂先翊贊誕鍾餘慶克享大名爰至我公天姿挺生率禮立身依仁從政學該百氏官踰三命再登幕府四列藩條威行節制化洽謳謠作牧襄陽受兵南越江漢底定要荒胥悅死生有命修短靡長禮

贈殊秩魂歸故鄉松檟成列丘陵無改夏日冬夜精靈  
斯在

少府監胡公神道碑

韓愈

少府監胡公者諱珣字潤博年七十九以官卒明年八

集作七

月十四日

集無此三字

葬京兆奉先

一有縣字

夫人天水趙

氏祔焉其子逞迺巡遇述遷造與公婚廣文博士吳郡

張籍以公之族出

集有處文二字

行治歷官壽年為書使人自

京師南走八千里至閩南兩越之界上請為公銘刻之

墓碑於潮州刺史韓愈曰胡姓本出安定後徙清河

集

清河二字於今為宗城屬貝州大父諱秀武后時以文材徵

為麟臺正字父宰臣用進士卒官平陽冀氏令贈潭州

大都督公早孤能自勸

蜀本作勤

學立節槩非其身力不以

衣食凡一試進士二即吏部選皆以文章占上第出

集

樂注為儉勤自刻削不干人以矯時弊及為富平尉一

府稱其斷決建中四年侍郎趙贊為度支使薦公為監

察御史主餽給渭橋以東軍洗手奉職不以一錢假人

賊平有司覈考郡吏多坐

集有貶字

死獨公以清苦能檢飾

無漏失遷河南倉曹

蜀本作督

魏公賈耽以節鎮鄭滑以公

佐觀察事檢校尚書工部員外郎以剛直齟齬不阿忤

權貴除獻陵令居陵下七年市置田宅務種樹為業

集有

以自給教授子弟貞元十一年吏部大選以公考選人

藝學以勞遷奉先令以治辦

集作辦

遷尚書膳部郎中改

坊州刺史州經亂無孔子廟公至則命築宮造祭器率

博士生

集作徒字

講讀以時如法以祠人吏聚觀歎息遷舒

州刺史州歲大熟麥一莖數穗閭里歌舞之考功以聞

遷尚書駕部郎中數以公事犯尚書李巽巽時主鹽鐵

事富驕恃勢以語丞

集作宰

相由是退公為鳳翔少尹巽

死遷少大理

集注一有改少詹事四字

元和十二年朝廷為

集作以

公

年老能自祇力事職不懈可嘉拜少府監兼知內中尚

明年以

集有病字

卒公始以進士孤身旅長安致官九卿為

大家七子皆有學守女嫁名人年幾八十堅悍不衰事

可傳載可謂成德銘曰



竭竭胡公既果以

集註作而

方挾藝射科每發如望人求於

人我已為之自始訖終不降色辭因官立事隨有可載

發跡餽軍

集作運

遭讒府界去居陵下為吏為隱坊舒之

政于茲有嘆

杭本作斬

守官駕部名昇以屈躋于少府甚宜

秩物不配其有君子恥之少府古卿公優止之刻文碑

石以顯公行維公

集作彼

後人無怠嗣慶

司農卿劉公神道碑

蘇頌題

君子之質則有文也君子之備則有武也蘊其材而正

直是與行其道而剛柔迭用經

一作門立

德所以不回稱詩

為之立禮

一作孔碩

碩大之教

四字一作故能

聞於四海

一作國

人爵

之美

闕

於百代受天之和

疑作祐

不其然歟公諱某字某

彭城人也皇矣漢祖出自唐堯

一作帝

始則秦龍為事終

而斷蛇著符非卯金而勿王書之甲令有盤石而命第

布在方冊於昭慶靈誕發休緒有隋之接統也我魯祖

諱某仕至晉州刺史左衛大將軍普安郡公我大父諱

某仕至蔚州刺史襲普安郡公皇運之纂圖也我先君

諱某仕至江王友上柱國襲普安公追贈陳州刺史者  
制連五之教以乂其邦攬韜鈴之英以和其衆從師友  
之訓以崇其術復公侯之業以載其名匪我先人保之  
孰能後嗣達者公即陳之

集作州

府君之元子也純潔浩

素直專靜密外象威儀內含光耀弗誦於非聖弗言於  
非法雖迹繫蕪室而心遊坦塗始有遠大之譽矣弱冠  
修文明經高第解褐趙王文學金門之賓就以強學璫  
席之士來而好問遷荊州司戶叅軍轉汾州孝義益州

晉元

二唐書地理誌作原

之二令養能於掾吏大機未發從政於

宰君中乎是用三人為師之地更成乎魏美四子講德

之鄉益變乎夷俗以殊績遷左

一作右

衛長史佐其戎昭

欽若軍令屬永淳之歲元元虧稔命公泛舟之役窮於

恒

一作海

岱委公開倉之利濟於幽燕是寧邦本繫賴家

給還擢拜朝散大夫遷原州都督府司馬仍統郡牧事

西至崆峒之隅北經都盧之峽其人好武賡歌作詠彼

乘有駉雅頌成章豫博之連謀也雖七國之勝

一作福

兵

鋒憚於甚銳而九州之雄地勢當其懸隔拜公為齊州長史以鎮之難平轉沂郳二州諸軍事二州刺史令以條察風以化遷願冠者載糝其容羸鋤者罔矜其色連

課第一遷將作監

監字一作少匠

尋加銀青光祿大夫司僕卿

惟匠有卿考百工之最惟僕有正稱六官之長蓋任能之選矣大聖天后崇清廟而尊祖建明堂而配帝作城洫而量土圭圖山川而鑄金鼎縮板以載之置筵以度之三旬以成之百物以備之獨任於公不憊厥旨非博

而稽其禮省而精其事則曷能臻於此乎戎羯之縱暴也易之梯衝頗亡其樓堞魏之桑梓尤固於藩籬令公馳傳檢校魏州刺史以威之寇平召之猶領本職復加將作大匠長安東幸洛陽拜公為右衛將軍司農卿轉右金吾大將軍副京師留守出綜金革比上台之禮者四入司帑藏分洪範之政者一轉嗚呼三字疑以盛其義逋僦以清其緒由是揀鄙侯之典因營宮室奏齊人之言即迴輿駕至則兼領右一作左羽林軍節愍之舉兵也

讒臣構東朝之隙上將鷹北門之重難無苟免謀無苟

合君則有命若將援

一作授

於鼓旗士咸有約不可犯其

介胄已而特授鎮軍大將軍封舒國公食邑三千戶實

封三百戶賜以金帶衣物重拜司農卿賞厥誠也公以

休咎由人動者悔之始盛衰自我息者機之先故在物

害盈謙而受福及引年辭事老而得禮於是乞骸骨抗

章疏者至于再三

一作于再于三

朝廷嘉而遂之矣

四字一作之門

列行馬室懸安車遠寓於汜右

一作石

近持於越寶閑心

用晦物有自親啓足歸全神無所禱享年七十有七以  
景龍三年太歲癸酉十二月十五日薨於長安光德里  
之私第天子輟朝以咨悼都人罷肆以傷惻齊之喪嬰  
鄭之亡產無以過也乃追贈持節都督兗州諸軍事兗  
州刺史降使吊祭賜錦衾襚服官給喪事京官六品一  
人監護太常考行謚曰貞夫忠者期於盡命孝者貴於  
立身義者厚於利物信者多於庇人猶五材行而不可  
闕五味足而不可廢則安夷險保明哲太社於是乎錫



其風太常於是乎旌其事練識而言罔毀譽避榮而交  
非諂黷以溫良恭儉之德知進退存亡之機然後指青  
門之路美賢於䟽廣登洪波之臺長立

一作泣

於周舍於

公得之矣粵某年月日葬于某所禮也美哉漢宮弘敞  
承明在其北秦嶺連屬太白拒其南思上都之冠蓋望  
先塋之碑表此又臣子之不忘也其孤衛尉少卿曰茂  
道羣紀為儔苟何疑句是則二世之業代仍其位三年之  
制喪過乎哀以為有初有終疇庸之道斯遠匪雕匪刻

補

一作  
稱是

代之圖蓋寡荒惟授旒非也披文乃作銘曰

炎漢之靈兮纂堯之德粵若介弟受封南國為侯為王  
休有其光四牡弈弈赤芾金舄降爾遐福兮邦之仁人  
昭爾懿行兮朝之蓋臣我有忠烈兮以為之寶我有榮  
華兮何適非道躬清明兮翔廖廓佩金紫兮富圭爵日  
冉冉兮亟迴薄歲崢嶸兮其搖落吾將追於祖䟽兮噫  
何為而葬霍龍山趾兮鳳城端青靄深兮白露溥混羣  
物以共盡兮揭之豐碑之是刊

故朝議大夫中王府司馬上柱國贈太常卿常

公神道碑

獨孤及

楚元王傳後五世長孺相漢始自魯國徙家杜陵其後

十六世孫景略仕魏為青州刺史青州生隋倉部侍郎

南皮公瓚南皮公集無公字生三子皆才同時為郎長曰季

武實居主爵次曰叔諧典司庫部季曰叔謙歷吏部考

功時人號為三列宿考功生而知人以司庫員外郎為

職方郎中自長孺至青州二丞相一侍中十一二千石

自南皮至職方二葉五尚書郎

集有為字

世言官婚

集作者婚官者

者

謂之郎官常家梗柎瑤琨非崇山濬源不生故公侯卿

大夫實鍾德門事業名聲與冠蓋俱四牡龍旂之慶百

代彌熾盛矣哉公諱鎮字某職方之仲子也忠廉無邪

溫直好禮用誠明博厚祇若祖考之訓雖顛沛不違仁

非得之不苟求言足以成事濟衆行足以居易慎獨鄉

舉經行吏部登賢能科

集作校

授秘書省校書郎親累免

集作徒

官再遷至亳州臨渙縣令寬信愷悌之政行乎千

室暮年而頌聲興遷薛王府文學轉秘書郎王宮圖牒  
天祿典籍公皆以儒服叅馬藝文修而彛章叙歷佐濮  
徐仙三州清恪如一入為申王府司馬以達才居陪臣  
之列弘道以奉職安義以直已諫從政肅緊忠亮是賴  
掌邦典者謂王門之治可移於公卿方議登之三府會  
寢疾終于位是歲開元十二年歲在甲子冬十月二十  
二日春秋若干夫人河南元氏益州唐安縣主簿知柔  
之女承先祖供祭祀之謂職懋

集作  
閏

勤勞勸以義之謂

德莊敬恭順婉婉柔惠

集作聽從

之謂禮顧復勞瘁均養善

訓之謂慈夫人兼有焉某年月春秋若干卒某年月日

合葬于某原嗚呼才宜貴人宜壽世祿宜富三者公夫

人皆居其地不極

集作臻

其分鄉黨宗族以命不可說相

弔焉唯明德必有後之言也信有若孟子幼成博見利

器堅若金石

集作鏗若金錫

天寶十年自尚書兵部出守漢中

兼山南西道採訪處置使移典河內人至于今頌之仲

子幼卿洛陽尉

尉字集作縣丞

叔子幼竒宋州楚丘縣令李子

幼章有貞幹密識恭寬而明前後八執憲而再起草自

武

集作兵

部郎中持節其泗楚二州錫金印紫綬咨以屯

田入

集無入字

贍軍食如漢營平侯故事以言以立皆公之

教訓也寶應二年春三月以子為大夫故詔追贈公太

常卿君子謂公之義方慶及其身而楚州之孝誠格於

宗祏禮也猶以為與物

集作化

俱者人事不我期者丘隴

雖大宗小宗可詳諸姓氏之譜命官日時各存乎其

集無

其屋壁之誌若遺直與故事非金石刻則無以示後世

也繇是楚州稽首于廟見託謨德垂懿萬億孝思罔極

其詞

集作銘曰

肅肅乃祖翼商屏周摠郡

集作葷

邦兮退傳間生

疑

扶陽

重侯德功

集作乃

降兮龜組虎符黼衣彤弓世相付兮百

代純嘏鍾仁於公德乃

集作斯

懋兮為邦三年足民知方

政之臧兮校文石渠觀書魯堂志自強兮三佐列郡曳

裾遊梁道未光兮已矣介福不克景行于嗟命兮一經

之遺垂裕果盛哀榮並兮于子孫孫丕承忠敬荷餘慶



分

大宛英華

大宛英華

下

文苑英華卷八百九十九

欽定四庫全書

文苑英華卷九百

宋 李昉等 編

職官八

東宮  
官一

周太子太保步陸逞碑一首

唐贈太子少保劉知柔碑一首

唐贈太子少保崔公碑一首

周太子太保步陸逞神道碑 庾信

公諱逞字季明本姓陸吳郡

一有人  
吳字

也君子至止既紹

虞賓鳳凰于飛實興齊國南越使者解漢帝之衣西陵將軍覆吳王之蓋曾祖載為宋王司馬留鎮關中赫連之亂仗劔魏室黃河叅陵或亡追路烏江艤船更無歸迹今為河南洛陽人也高祖冠軍將軍營州刺史吳人有降附者悉領為別軍自是官師擁鐸更為吳越之兵君子習流別有樓船之陣父政驃騎大將軍儀同三司恒州刺史中都獻公太祖扶危濟傾經綸夷阻報君之恥遠襲平原以高平霸業所基委命留事關中餽食非

直滎陽之師河內供軍豈但淇園之竹公秉照晉之靈  
降明神之德猛虎振檻七年不驚羝羊觸藩九齡能對  
諸兄以公先君愛子稱之曰仁推而襲封雖復季末大  
成之心守節疑有闕誤既遭燻穴翻從壓紐太祖初封函谷

始合諸侯以公詞令叅謀機密故得戎政克宣師言無  
漏賜姓步陸孤氏委鹿輅而論都入鴻門而舞劍方之  
吹律綽有餘榮出身羽林監輕車將軍除尚書右丞官  
聯會計務殷平準水衡貫朽常平粟紅授使持節車騎

大將軍儀同三司增邑千戶尋遷駕部中大夫領兵部

中大夫領蕃部

疑誤

東京鼎實先加鄧騭之勳西晉官人

多用山濤之啓豈若五王登朝必司賓主之禮六龍御  
轡定取鸞和之節御止以官觸父名不拜會稽有王會  
之名其子不為太守博陵有王沉之封其兒不為刺史

遷驃騎大將軍開府入掌納言治司宗伯又為軍司馬  
職居常伯勤問於南宮位管王言連官於北斗豈止郊  
天祀地龍門岬谷之聲贊鼓頌旗白露涼風之月閣夜

有人餉羅數十匹公閉門不受行人干觸具以聞奏朝

野稱之太尉楊震高

疑作直

推故吏之金涼州張奐高揖

羌人之馬清畏人知我無慙德齊國通和封人受使以

公有出境之才見命張旻之禮既珠盤軟血定楚國之

連名七首登壇反齊人之侵地是謂使乎固稱光國久

疑輔公侯五陵鐘鼎桐街柳市塵起風飛乃授京兆尹

增邑通前一千六百戶餘官如故上林兵息蘭池盜靜

不學王陽平生鑄金之術未同張敞終日章臺之遊家

僮暮行還得遺錢於道并白絕十匹公訪得其主即以  
還之見金於路指以示人得錢於道留持掛樹方之今  
日異代同風俄遷司會治小司馬重總六軍再操八柄  
考績入於歲成論功書之年表尋授宜州諸軍事宜州  
刺史露冕觀風停車待雨百城解印憚朱穆之威十里  
相迎受王基之德曾未暮月被勅追還眷眷吏民不無  
河內之請依依故老實念黎陽之別少陽養德前星守  
器尊師讓齒必俟賢能乃授太子太保方之劉寔道高



於大邦疑作郡譬以山濤榮深於小輩本有消渴之疾常

餌金石自理舊疾微增奄捐館舍茂陵之下不留封禪  
之書校尉之營惟餘服食之器嗚呼哀哉春秋四十有  
七建德二年五月十一日也天子以大臣之喪躬輟聽

訟東朝以師傅之尊親臨擯祭詔贈某官

本傳作贈大將軍

謚

某公禮也以今三年正月十日葬於京兆之高陽原夫  
人郁久閭西遇王姬愛敬肅恭言容令淑有聞箴黻無  
廢紘紼爰在盛年先從大夜今節婦開墳松柏已拱李

孫成寢丘陵始同况復圖畫賢妃

一作  
姻

方在甘泉之室

瘞埋才子即用高陽之原公儀表外明風神內照器量  
深沉階基不測事君惟忠事親惟孝言為世範行為士  
則留連墳索悵悵文詞霜府錄於尚書天官總於司會  
出入匡贊常帶數職身具六龜腰恒四綬陳平密謀既  
非天子所見荀彧上策又非諸侯所聞其為郡也惟取  
赤土封書其為州也唯以青鹽換粟留家則千樹無資  
遺子則一經而已嫡子操至性過禮純孝不遺墳前之

樹染淚者先枯庭際之禽聞悲者則下銘曰

山連日觀水枕滇機富春沙起開陽柱飛大夫屈節將  
軍振威南越受吏西陵解圍昔我烈祖垂翅秦中白馬  
無路烏江不通笛吟鄉里琴哀土風營州恒州擁旌世  
載壯節旃衿人雄關塞直河穿趙平雲臨代生謂立功  
沒為留愛降茲岳瀆誕此貞明祥符雲氣慶合星精宮  
惟定策殿柱書名忠泉暗漏孝筭寒生世屬殷周時逢  
楚漢天下三分鴻溝一半以我明略來叅匡贊日乃再

中天成兩旦遞叅三事歷副六卿天師一作司光宅地載

謨明春官定禮夏官治兵讖言默識溫樹無名謙恭周

密言行無乖忠公兕殪陰德地理軍國紛總部領填塔

一作借馬不入廐金不入懷具瞻惟德高山惟仰甲觀初

登龍樓初上東國桓榮西京踈廣年齡俄頃風電相摧

銘旌兩沒池柳雙迴犢犢肩子在一作御疾銜哀身彰野

火心懼天雷日月其除榮終哀始馬歸司隸書還太史

歷對天星墳連地市山勢接飛松形蓋起德音無絕平

原忽矣

唐贈太子少保劉知柔神道碑

李邕

邕聞古之常銓今之大寶或藉地因勢或經德自身或  
經疑樂國工或詞學時秀或貴盛終吉或等祀老成或  
廣孝聞家或納忠刑國有一於是則百斯慶書于牘大  
其聞矧乃摠集高曾備致昆弟悉數以周稱同原而合  
流息女擇於賢夫膺子訓於良冶首止光寵出入震耀

若此表裏者矣府君姓劉氏諱知柔字某彭城人也其先府君母弟銀青光祿大夫左常侍崇文館學士修國史子玄按史諫推之楚孝王囂之後粵若伯豫談經景瑜志學令言穎邁王喬名理迴仁之撫綏內使之節義是以嗣前人食舊德鼓簧史傳柱石邦家其來遠矣高祖魏驃騎大將軍北州刺史禕府君諡曰懿曾祖齊散騎常侍文林館學士岷府君祖朝散大夫陳留縣長玄遂

唐宰相世系作  
隋留縣長務本

府君考宋州司馬贈徐州刺史藏器府

君莫不都長忠方簡質貞亮業行優絕政理殊尤府君  
稚節一成立年博達典學為海懿文為林鎮重為山幽  
靜為谷清淡事約言遣理深謙常後身儉不逼下至若  
儀刑碩偉風神散逸立若尸祭坐若肅賓認金不爭闕

馬引罪公庭絕於私議虛室造於玄門遠遺之觀

一作觀

物則

一作得

名顏子之聞一知十無以過也嘗以為權略

多豐皦察不詳和令乃私靜勝而言

一作立

立

一作言

莫神

怨行莫人誅固能陳無兵火無焚變奪物性延集福根

然後至精啓純全德居厚崇化務俗樹德垂聲可也識者以為張華茂才荀彧遠略雖曰王佐則無天年今府君二者兼之一言得矣觀藝知巧觀葉知秋吉祿大來壽考休佑吾無間然矣逮計考甲科薄遊異迹宅憂殆戚有命從師辭爵廬墳受錫表闕黨錮光復佐職難疑報貞歷荆府司馬史氏詳矣自皇運啓聖清途授德典國冑司人曹拜司業兼侍讀漸也府君雅伏忠公固拒權寵耻或趨貴哲不易方出荆府長史復戶部徙同宋



二州揚益二府一淮南廉察再山東巡撫加銀青光祿  
大夫進爵彭城侯大府有四公居其三要轄有三公提  
其兩冢卿有九公自屬國二年尚書有六公以司空十  
載分爵有五公當侯伯之榮居守有一公兼宗祏之寄  
巡使有十公兼東土之俗疑輔有三公首儲宮之傳至  
於仁以養之義以行之慎憲以恤人闢土以祈穀制曰  
黃霸之奉法循理錫以高車駟馬之惠化仁明加其冕  
服至於發貯賑施書板賦財已一作擊單于且平水土

制曰出膺賢守則郡國循良入侯名臣則衣冠準的俾  
遷榮於北斗宜作範於南宮夫如是有足以論道經邦  
助天開化增河海之渥澤近日月之景光府君止足發  
東辭滿得地終讓八座還忘三旌聖上錄德序功養老  
懷舊就成願攝一作留連問曠制曰乃建儲貳聿求賓

客允茲懋官惟爾崇德府君固乞骸骨退守田園息疑

思一作思命如第尚給全祿嗚呼日有昃歲有除澤藏山風

振海矧伊人也矧伊人也春秋七十有五以開元十一

年六月十五日遇疾薨於東都康俗里之私第皇情震悼追褒荐及制曰簪纓舊德楨幹通才清以立身儉而率下出入三署綢繆兩宮曾不憚遺奄然喪逝言念遺老惻悼于懷宜寵贈章式旌泉壤可贈太子少保物二百段米粟各二百石葬日官供幔幕手力等太常考行諡曰文以某年月日葬于河南府緱氏縣景文山原禮也府君昔在平日深戒厚葬祖載服用子壻黃門侍郎宗子嵩所營奉祀于某官某等追惟先志臨穴長號謹

以焚之殆無遺者尚曰史冊者揚乎名碑版者紀于迹  
今願杼哀敬却樵蘇發頌聲彰末嗣邕曰唯唯敢不十  
一千百焉其詞曰

漢起沛楚封徐代

一作代

則九慶實餘惟英秀閱

一作粵

卓

榮惣文史張禮樂諫而尊道而勝集百祿延周稱貴自

取

闕

可榮弟紫紱壻黃門始孝思後忠烈歷中外脩名

節歲彌長聲更揚隱屬國老文昌懷遠圖忘太盛謝人

爵委天命月有虧日有昃皇恩動物情惻猗孝子奉惟

疑作  
遺 訓服用薄哀榮順布史簡繼碑石名教開幽明激

唐贈太子太師崔公神道碑 李華

禮之中庸曰父為士子為大夫葬以士祭以大夫是禮也於國為恩於人為孝朝廷贈趙公之先人故晉州司法叅軍贈清河太守三至太子少師褒少師之德揚趙公之孝國之恩也書之洪範曰是訓是行以近天子之光趙公奉若少師之訓為國股肱翊大君之明可謂忠矣傳曰有明德者必昌於後世後必有達人故叔梁紇

有子曰文宣王陳仲弓有孫曰司空羣積德於身以垂厥後猶洪河廣大於涓流太山峻極於丘陵蘊百行惟少師宣六德惟趙公父慈子孝移孝於忠盛矣哉維烈山氏以稼穡代畋漁伯夷以秩禮諧神人太公以大勲平禍亂季子以讓德辭社稷崔氏其後也有魏名臣琰降至宋度支郎中贈冀州刺史元孫隕身成名興起百代生魏吏部尚書左僕射貞烈公亮六為吏部郎三為吏部尚書再為大中正連部二千石一為大將軍歷侍

中太常光祿大夫男為部官女為九嬪與伯父之子僕  
射休首出羣姓為海內甲門孫曰肇師以令望為中書  
侍郎以才辯為聘梁使中書孫諱道淹北齊安州摠管  
椽生少師之祖諱方審皇朝萬年主簿臨洺子臨洺子  
生少師烈考諱貞固皇朝武功主簿贈吏部尚書娶趙  
郡李氏新定之子高都之姪中外之甲光標士林少師  
諱景暄清河東武城人也三歲丁太夫人憂十二居武  
功艱號哭無時隣里輟相終制讀書歲不踐闕一覽數

紙終身不忘年十七與親兄駿一舉明經同年擢第二

十三

一作三十二

調補梁州南鄭縣尉以能政聞轉蜀州晉

原縣尉以清白器幹為按察使倪若水表薦大理評事

以親累貶利州葭萌丞歷梓州鹽亭丞晉州司法叅軍

公風度詳雅器宇方深有道者悅之而不厭不仁者憚

之而遷善遂瑗在衛衛多君子子賤居魯魯有賢人若

至聽詞必察臨事能斷吏不忍欺人不敢犯刺史齊景

曾洎州長舉公清明中正差充支使畢構代齊假為判



官開元三年終於官舍春秋四十權厝於邙山玄元廟  
西北原公之逝也宗族嘆曰孝可以動神祇而不壽僚  
友歎曰仁可以師天下而不貴聞者歎曰清可以激貪  
俗而不昌命矣天乎盛德不疑作必興宜其疑作有後也夫

人滎陽鄭氏皇朝兵部郎中衛州刺史玄昇之子吏部  
侍郎平章事惜之女弟以德範儀少師以才明訓趙公  
天寶十二年享齡六十九終於京兆崇賢里殯於長安  
南杜陵原有一子二女神龍中申明舊詔著之甲令以

五姓婚媾冠冕天下物惡太盛禁相為姻隴西李寶之  
六子太原王瓊之四子滎陽鄭溫之三子范陽盧子遷  
之四子盧輔之六子公之八代祖元孫之二子博陵崔  
懿之八子趙郡李楷之四子士望四十四人之後同降  
明詔斯可謂美宗族人物而表冠冕矣在周則邵單為  
公族媯羸為上國西京竇傳之貴東漢袁楊之盛魏一作  
晉以荀陳為德門南朝以王謝為高望方之於公川谷  
江海也嗣子圖以文學早知名射策上第官歷臺省尋

拜蜀郡長史兼御史中丞加節度使時安祿山起幽朔  
連陷潼關賫表腰金懇迎玄宗省表垂泣召宰相謂曰  
世亂識忠良今見之矣除中書侍郎益州長史節度等  
如故及乘輿至蜀朝廷羽儀如京之制終古難之肅宗  
幸彭原將復天下以劔南無事不假此人詔赴行在咨  
以締構扈從還宮日月並照玄宗獲申聖慈肅宗獲申  
聖孝鄧侯功大博陵賞尊一作高詔曰一匡天下大庇生  
人遷特進中書令集賢殿大學士修國史封趙國公昔

成王以曲阜命周公王曰叔父親親也以營丘命太公  
王曰叔舅賢賢也惟肅宗亦以趙國錫崔公今上以少  
師贈先公三代之極教也後轉太子少師兼御史大夫  
東京留守尋為工部尚書揚州長史浙江東西二道觀  
察使吏部尚書知省事餘如故又轉尚書右僕射四年  
某月日龜筮叶吉奉少師滎陽夫人之喪合祔於東京  
河南邙山之某原禮也世傳清白子孝臣忠山東士大  
夫以五姓婚姻為第一朝廷衣冠以尚書端揆為貴士

惟公兼之清河崔氏至趙公三代僕射可謂盡善矣太  
山羊衛世傳清德北海范毓兒無常親摠此二者為公  
家法華學放史氏敢播風烈焉昔孔悝銘鼎備舉前代  
史克頌魯獨美僖公用以誕敷先人照示後代在禮然  
也今茲在頌書國家之孝理列聖君之得人崔氏之世  
緒少師之懿範趙公之孝思士正祖德末一作未是為不朽  
崔氏之門為不朽矣若終疑者華安得不頌之其文曰  
周之上公讓為大夫秦之司徒家於冀都伯從清河德

緒繁多仕至揚州出將封侯惟德惟器魏之中尉降及  
元魏羣從並貴才如尚書德如評事古之廷評伏念惟  
刑我聞德聲繼佐葭萌安道和俗化行三蜀彼汾之曲  
片言折獄清風人穆升聞輦轂葦轍蒲帷公行不歸哲  
人其萎後賢用微滎陽夫人柔明佐君嫁有嘉聞首代  
馨芬高陽才子唐虞多士克先趙公大雅爰起有子如  
是可謂孝矣崇原既平伊洛攸清永安厥靈萬有斯年  
子孫以寧



文苑英華卷九百



欽定四庫全書

集部

文苑英華卷九百

一至三

詳校官庶亨臣龍廷槐

助教臣常循覆臣勘

總校官進士臣朱鈇

校對官助教臣羅萬選

謄錄監生臣倪景寬

欽定四庫全書

文苑英華卷九百一

宋 李昉等 編

職官九

東官  
官上

太子少傅竇希域碑一首

贈太子太保伊慎碑一首

太子少保韋君碑一首

太子少傅竇希域神道碑 李堪然

若夫懸象著明保傅繫三台之位厚德載物公侯分五

嶽之尊環耀魄而布陰陽佐林蒸而平水土斯所以寅  
亮天地寧濟寰區自匪氣稟英靈藝兼文武發揮成務  
之本模楷具察之德則何以弼諧邦教調護元良粵惟  
纂懿前修追蹤上哲總淳粹以秀出偶會昌而挺生賢  
戚載彰寵光崇賁者其在我司空幽國公乎公諱希城  
字美玉扶風平陵人也昭成皇太后之介弟開元神武  
皇帝之元舅即隋工部侍郎左右武侯大將軍納言司  
空上柱國陳國公抗之曾孫皇朝駙馬都尉工部禮部

二尚書右領軍大將軍殿中光祿大夫上柱國莘國公  
誕之孫太常卿潤州刺史贈太尉荊州大都督上柱國  
幽國公孝謙之元子也而自祥生石紐祚啓金刀盛業  
與塗山比崇長發將觀津方水文昭武穆帝載矢之於  
典謨累將重侯后族布在於方冊故得國華人傑躡振  
古以騰芳服冕乘軒迄昌辰而益茂莫不歌鍾繼響喧  
喧連北里之音卽館相望藹藹並東都之盛歷代之所  
推挹豈可一二談哉公鼎由標華公門爭秀

一作仰庇

軒星之曜傍通間氣之英天生仁智之姿日用溫恭之性弱齡志尚卓爾多竒阮瑤之朗朗無雙黃憲之汪汪不測豈可同年而語也年十有五補修文館學生鼓篋上庠橫經太學中年考檢僉我大成屬穹昊降災高宗厭代白雲方馭攀鳳駕而無追素幘為郎翊龍輶而暫往既調授潞州叅軍尋遷常州司兵叅軍事上黨關山毗陵郡邑既承君子之命又叅從事之班夫惟濫觴蓋茲而始秩滿入拜安國相王府功曹叅軍久之遷為屬

時睿宗之藩潛龍德在田猿巖尚啓累接曳裾之侶屬  
陪飛蓋之遊樂善載歡承恩莫二唐景雲元年睿宗登  
極加朝散大夫除殿中尚食奉御黃金魚錫朱紱增榮  
調九沸於宸羞薦八珍於帝膳景龍元年又遷為太府  
少卿無知尚食事司帑藏之珍賚奉雲天之宴樂幾承  
恩獎增峻寵章二年加銀青光祿大夫殿中監乘輿服  
物御府斯殷纂慎日宣瓜牙九寄曾未踰朔又拜左右  
千牛衛將軍而帝謂公曰朕昔在藩嘗居此職而其宿

衛親近今故授卿其承寵私有若是也衛鈞陳於北極  
應上將於南蕃榮冠等夷地兼勲戚雖古之位踰九卿  
班同三府者亦無以方焉先天元年遷金紫光祿大夫  
右散騎常侍兼檢校光祿卿無何又正除光祿侍中同  
掌印眊一作珥貂蟬郎中改名攸司殿掖豈有高堂擅青  
龍之疏張湛推白馬之名兼而有之不其榮矣開元二  
年遷太子少傅襲爵幽國公加賜食實封二百戶以六  
行之姿翼千鈞之務琢磨光乎玉裕輔導整於銅樓有

華廡之清簡富匡衡之法義庶常儀刑八帝

一作帝

座通籍

二宮福履有綏降年惟永而過隙之影背闔闔以言旋  
但閱川之波辭少海而無返開元五年歲在丁巳冬十  
月丁巳朔十六日甲戌暴薨於東都章善里之私第春  
秋五十有四嗚呼哀哉慟感宸旒有切渭陽之念哀纏  
士庶逾深鄭國之悲粵翌日聖上舉哀於洛城南門輟  
朝三日贈司空荊州大都督賻八百段米粟八百石及  
東園秘器凶事葬事官給務令優厚仍令將作大匠帝



湊充使監護河南少尹秦守一為副鴻臚少卿李顥持節齋醮書帛祭儀仗送至墓所并為立碑發引之日令工部尚書劉知柔祖祭有司考行謚曰某禮也渥命優洽事越彞典惟公降靈純嘏稟秀中原風範自高衣冠甚偉雖地稱金穴外家之罷克崇位翊瑤山儲輔之尊斯在而謙以約已德以潤身九列重其章明百寮仰其忠儉夫所謂貴而不驕志明而晦者無迺踰於公乎名命雖臨濛暉莫駐佳城鬱鬱遽開京兆之阡詔葬紛紛

即赴畢原

一作鄴

之路旌旄飛翻而笳鼓噓恩容衛動而

行路悲嗣子朝散大夫行太子典設郎鍊次子太子內

直郎綱等銜恤哀毀退

一作進

而不及粵以開元六年夏

四月九日癸酉歸葬於京兆咸陽縣洪瀆川之北原八

水分流五陵交對星辰照爛於東井烟景密邇於西岳

龜言筮告此地攸安萬古千春德音何託惟披文與相

質恪奉絲綸冀地久而天長永昭徽範下才不敏敢述

銘曰

昭昭茂族赫赫崇庸石紐疏系金刀建封軒皇代稟間  
氣時鍾鳴陰必嗣嘯谷相從越洎我公秉心貞吉肇遊  
庠序歷代天秩東郡勞人西都賦質龍飛偶運鵬圖匪  
日絲綸驟委章紱增榮既典六尚俄昇九卿鉤陳任切  
武衛資英左右惟允於斯作程獻替嘉猷載司光祿琢  
磨儲範方調鼎餗懜矣神心宜共一作載非倚伏曾不遐壽  
奄焉薨覆帝念元舅情深涓陽輟朝興慟詔葬哀傷亟  
峻典禮逾崇寵章鼎門南出畢陌西長旒引轡軒笳隨

魂輅容衛哀咽山川迴互秦塞從指漢原已暮紀盛烈  
於豐碑庶有旌於武庫

故光祿大夫檢校尚書右僕射兼右衛將軍  
南充郡王賜太子太保伊公神道碑

權德輿

昔伊尹相湯伊陟相大戊咸有一德格于上帝其後伊  
籍以敏辯仕蜀為將軍伊馥以勇力佐魏為司空曠遼  
僚集作綿代復續休緒者曰南充郡王諱慎字寡悔剛毅

勇悍鷹揚鷲立勞勤四朝終始一心涉覽春秋戰國策

太史天官五行之書用善射中正

集無正字

鵠補廣州綏南

府折衝都尉丁太夫人之

集無此字

憂以毀瘠閭初公之孤

也幼不知先子之殯將祔二尊日號于天寃交神選肱

嚮誠感壤而樹之率禮無違大歷中嶺南裨將哥舒晃

盜殺其帥呂崇

集作萬

賁以亂竊據府中南方蕭然江西

連帥路嗣恭承詔出師命將孟瑤暨公討之

集作以討

公以

水陸士徒分道鼓行晃之謀主蘇渙騎將王明悅鷓張

蟻聚皆據扼害公曰寇不可翫勝無幸焉毒之酒

集作首

腊盡在是矣疾力作

集作文

粹必亟吾中乃舂其喉而潰

其腹斬首三千級下韶州其明年戰于把江口水道湍

悍戈船赳赳公浮筏寘薪迎風縱焰寇之燋沒於水火

者終夕有聲又明年軍于濬

集作渭

口于端州戰

集無戰字

于

潮陽次于交廣

集作廣州

冬十月斬晃渙于泔溪揭其首以

徇幕府上功拜連州長史授撫處江三州別駕建中初

德宗訓齊萬方端正百度以梁崇義負阻江漢未嘗會

朝詔東諸侯分道問罪公實領江西偏師歸

集無此字

而統

于希烈希烈以牒書署公漢南漢北兵馬使公明置

集作

智

牢讓獨率所部兵大破翟輝於蠻水俘徒三萬以至

于斬崇義平江漢厥功居多希烈愛公愈深而公懼之

愈切一旦決與數騎遁歸既而希烈以急上

集無此字

變聞

且賂公以堅甲善馬為之反間密詔嗣曹王即訊因俾

論公如法公方握兵符在境上微聞有命斂手就召曹

王挹公名義偉公姿材取酒為壽交歡感泣手疏上列

辯其冤誣委之先偏激以自效乃略黃梅次長平遇劇

賊韓霜露引滿中股斃於萬衆之前其徒相蹂躪死者

十七八投蔡山

集作州非

取蘄州降山寇李良領蘄州刺史

剖符為王加御史中丞興元巡狩之歲使臣底貢次于

蘄口時希烈已屠陷大梁遣其腹心杜少誠引勁兵絕

江流公行師七千列樹三柵破之於黃崗少誠遁走斬

騎

集無此字

將許少華封其尸為萬人冢進圖安州希烈遣

其甥劉介靈

二唐書作介虛

來援迎

集無迎字

擊於應山生得介靈



與郭嵩李廷玉降七千人收戶一萬四千人夫婦男女

耕桑安堵乃督安州加御史大夫真食百戶

集作室

二年

五月引兵攻段

集無此字

隨走康叔於厲鄉獲馬牛輜重以

益軍實表偽署刺史李惠登為之刺史終以理行間十

二年用久次就加右散騎常侍後三歲天子以公積功

勞使中貴人持命書金印即授公節度觀察使且裂齊

安為之

集無之字

支郡尋詔公兼統荆洪潭三道之兵討叛

於蔡敗之於三州港營於義陽戰于申斬級千數有詔

班師就加刑部尚書進右僕射今天子嗣位拜章入覲  
真授右僕射俄檢校左僕射兼右金吾衛上將軍坐細  
故退為右衛將軍明年復檢校右僕射兼右衛上將軍

元和六年十二月晦寢疾薨于光福里不及懸車者二

歲追賜

集作錫

太子太保同盟諸侯皆使其命介來弔祠

視喪事明年夏五月庚申葬于萬年縣某原鹵簿騎吹

加

集作如

彝禮初公之曾王父皇太子通事舍人澄生左

衛長史悅悅生贈太子太保衛公之祖稱也積善餘裕

追崇以大惟公以武毅通文理硯席餘

餘字集作楷隸

師心自

得感慨出倫談辭如雲起南方禪校履屨

集作屨

陷軍陣發

若猛鷲不辭劇易急病而益裕其才履危而不怵於邪

悃悃忠直為中興名將以至於授英蕩題龍泉有功烈

勲勞於天下脫劔薦紳從容漢廷徼循師長文武二品

啓禮歸全追榮宮師豈徒然哉公之息男十六人其冢

嗣曰宥左領軍衛將軍押右神策軍牙門之職能率義

順

集作訓

以揚家聲初公來朝也詔宥以侍御史領安州

刺史繇二千石入筦南北軍教忠移孝情禮盡在宥以  
鄙夫與太保居同里閉具以理命遺緘辱徵具

集作斯

文

表諸神道不敢誣也銘曰

在殷保衡負鼎而相惟唐南充推轂為將泚溪之刑嶺  
表乃平蠻冰之捷漢南以清蔡兇滔天曹邸鼓行公率

武旅迅如風霆斬春安陸連下劇城

集作地

專地

集作城

建

牙弘大名器交修威惠較著功利秉

集作介

圭會朝脫躡

師帥南宮端右武侯緹騎沐浴休明保完富貴歲降婁

兮月大呂一氣散兮無處所鼈甲車兮馬鬣封九原夕  
兮閱音容揭此介石厥聲無窮

故太子少保贈尚書左僕射京兆韋府君神

道碑

呂 溫

山之大小者匿峯巒含氣象積高無倪而不見其險孕粹

有物如

集作而

不知其神此其所以為大也德之全者毀

圭方黜

集作點

皎厲靈機密運如

集作而

智不驚愚遐標特

立而迹無變俗此其所以為全也然則太山高而可陟

全德近而難知我求其倫見之於少師公矣公諱某字

某京兆杜陵人其先帝堯光宅讓德儲慶建國命氏列

于夏商相胄卿族繁于漢魏代濟不殞煥焉集作盛門為

大王父諱某皇朝主客郎中萊濟商三州刺史王父諱

某倉部郎中大原少尹贈秘書監烈考諱某檢校都官

郎中嶺南節度行軍司馬贈同州刺史或以瑚璉之器

纔施郡政或以巖廊之姿僅及戎佐與時俱息從道而

污屈不試於當年啓莫京於身後公生而岐嶷弱而老

成渾粹不散清明虛映朱絃遺音而宮商自韻大圭不

琢而符彩溢發邈矣

集作是

天爵爛乎人文鼓鐘之聲日

遠卿典之譽來逼釋褐太子正字與仲弟正卿以賢良

偕徵策入異等冥鴻

集作鴻冥

雙舉當代榮之授高陵主簿

遷監察御史改殿中內供奉東都留守判官即拜東臺

殿中

集作此二字

侍御史叅畫惟允持繩不回河洛之間風

聲尚在德宗躬決庶政本於尚書責成曹郎綜練材實

薦出方伯時超貳卿二十年間斯為極遷

集作遷是

公由是

前後遷刑部吏部員外郎吏部郎中奏議推美彌綸成  
績南宮之故事存焉于時戡復日近勲勤者衆都市惰  
游盡垂金紐邦畿豪奪半賜丹書輕禽逸於踈網悍馬  
駭於柔轡上思懲抑必假集作良能公由是前後歷奉

天長安二縣令仁護鰥惇智鈐豪右輿人之道集作詠

在焉望由實濟任以望重選曹未幾遷給事中既居駁  
正之司不撓當官之論屬東南歲歉俾乂惟難出為常  
州刺史天寶之後中原釋耒輦越而衣漕吳而食一隅



重困五紀于茲公臨之清貞結以忠恕固存

集作固

給惠寡

務嗇勤分一法以去其侵渙多方以備其災患以逸道而使繕完允濟以與道而取賦入先期聲聞天朝考績連最轉蘇州刺史二境之間百里而近靈源自出殊派共清膏澤所需異壤同潤下車朞月報政如初加秩賜金借留累歲無何彭沛喪師兵驕地偏安危所繫朝論

集作議

難之乃以公檢校秘書監兼御史中丞賜紫金魚

袋充徐泗節度行軍司馬重其威望將委旄鉞而未命

程伯徐方之軌既同不見賈生宣室之徵遽至擢吏部  
侍郎倫品甄明通簡節適勢有探湯之熱我以靜濯衆  
有鼓簧之喧我以心聽馴致其美闇然日彰不求無失  
職之人人自以為不失職矣輟拜京兆尹德刑交修寬  
猛相濟匪設鈎距物無遁情匪曜鋒鋌機無滯斷浩穰  
之理不肅而成不求無不欺之吏吏自以為不能欺矣  
俄改太子賓客辭劇就閒圖南之勢一息選德求舊居  
東之命惟重遷檢校工部尚書兼御史大夫充東都留

守東都畿汝州都防禦使自盜起幽陵兵屯諸夏涉淮而北軍國異容分陝以東古今殊寄公講信修睦外張保釐之政完備訓戎內寓折衝之令矛戟不露德耀藹然遐邇頓首以承風強暴革心而知懼今上嗣統就加檢校吏部尚書方入諧僉屬眈贊大化不幸嬰疾表求退願集作歸優詔除太子少保冀其休復將有後命神祇竟昧樂禱無真集作降以元和元年三月十二日薨於東都履信里之私第享年六十有四寵贈尚書左僕射

車西歸制使賻弔太常裴議謚曰某公哀榮備矣夫人

河東裴氏侍中耀卿之孫給事中臯之女德門一作行鍾

羨淑問

集作問

充塞舜華

集作榮

早落蒼兆叶期即以是年

五月二十一日合葬于萬年縣高平鄉少陵原禮也公

孝悌天至行有餘力仁義性德匪俟服膺不飾表以近

明

集作名是恒

縱心如

集作而

中矩清虛簡淡而應物不

倦通曠夷易而及門無雜不尚意氣而然諾篤志不好

臧否而鑒識超倫與故相國齊江西映穆宣州贊贊弟

侍御史員為文章道義之友可以視其所親矣今吏部

郎中扶風竇羣杭迹毗陵退身進道公三捐郡榻之上

一振天墀之下不數歲間蔚為重器可以視其所與

集作

舉矣分正東郊開府辟士則有今右司郎中燉煌段平

仲倉部員外郎安定皇甫鑄禮部員外郎清河張賈泊

集作京兆尹常詞集作隴西李景儉中山衛中行平陽

此字

路隨皆羣彥之秀出一時之高選可以觀其所任矣加

以志尚幽遠冥搜好古所居第必有松石之致退公暇

日常以圖籍自娛一字愜心金玉不顧片言同趣布褐

無間疊疊然若見道之所存陶陶然不知歲之二晏於

戲策名從事四十餘年朋友罕聞得喪之言家人莫見

喜愠之色坦懷以處推分而行無怨集作思於人人亦無

怨無集作不無猜於物物亦無集作不猜履信順以優游保福

祿而終始其名教之大雅者歟有九子長曰元買前常

州義興縣尉次曰穀前邠州司倉次曰璋鄉貢進士能

修詞立誠克家致美茂揚風訓休有令問集作聞其次某

某等皆殊資異識登於

闕

齡集作齒

慶善之餘也以某獲

窺墻伋見託篆述究賢人之業信而無媿申孝子之志

直而不文其詞曰利建于商介圭作寶爰立於漢緇衣

改造克昌厥胤奕世載考亞尹擅名郎中懷道莫躋貴

仕莫享難老蘊靈儲休以啓少保丕

一作不

顯少保其德

惜惜有綽

集作悼

遐姿曠哉靈襟顯仁山立藏用淵沉煦

如冬陽藹若春陰白圭三復克保明心黃鍾九變莫匪

和音靜專動直謙進柔克宜踐公輔以禎王國促路頓

軌中天墜翼少陵右集作古是原拱樹寒色窮壤可弊唯名  
不失金石垂之以慰罔極



文苑英華卷九百一

欽定四庫全書

文苑英華卷九百二

宋 李昉等 編

職官十

東宮  
官三

太子賓客贈太子太師竇希球碑一首

贈太子詹事王同暉碑一首

太子右庶子王敬從碑一首

太子賓客贈太子太師竇希球神道碑

裴耀卿

聖上本玄元之化以身而觀國酌堯舜之道睦親而逮  
疎羽儀成而正體尊肺腑寧而元首豫生人之始內教  
權輿文明在運外戚先理膺上仁而踐元舅享多福而  
執謙光者其惟冀靖公乎公諱希球字國珍扶風平陵  
人昭成皇后之弟也昔漢文恭儉垂統於西京我族有  
內輔之功政清而刑偃漢章長者楊休於東國我君有  
少宗之佐累洽而重熙貞觀創業也吾姑本周南之化  
時維太姜開元立極也吾姊合塗山之德時維文母昌

化皆在乎明主景運必當乎太平千載相望重光四后

豈比夫魏晉中朝之狹隘陰郭微時之屬籍或悠悠於

成申緬邈於褒紀

一作如非

不同年而語矣五代祖諱善平

北將軍散騎常侍驃騎大將軍開府儀同三司侍中使

持節都督北華州刺史永富公載於周書高祖諱榮定

平東將軍驃騎大將軍開府儀同三司洛鄭榮懷汴廣

和霸秦寧成唐渭一十三州刺史秦州行軍使左右武

衛大將陳國懿公著於隋史曾祖諱抗唐梁岐冀定幽

易燕澶八州刺史遼東朔州二總管光祿大夫開府儀  
同三司左武侯大將軍納言贈司空陳國容公祖諱誕  
駙馬都尉殿中國子祭酒并州愬管鎮北將軍太常卿  
刑部尚書右光祿大夫贈工部尚書荊州大都督莘國  
安公見太宗實錄考孝謀太常卿潤州刺史并州大都  
督贈太保幽國公或道濟舟楫或功垂劔履青史之三  
朝相次彤弓之四代畢封此又衣冠之上腴人門之絕  
等者也公隆靈辰象育粹溥源稟淵懿之姿體敦龐之

度退讓致美不忘於先疇虛玄為心

一作學

得之於家訓

起家太子宮門丞朝散大夫尚乘奉御換尚舍奉御開元初累遷都水使者光祿少卿特借金紫光祿大夫將作少卿封冀國又加銀青光祿大夫太子左諭德宗正

一作  
匠非

少卿鄭王傅又遷太子賓客春秋七十有一以開

元二十一年正月十九日遇疾薨于長安布政里之賜第天子輟朝變禮事優恒數乃下制曰申伯元舅禮實重於緣情堯典睦親義兼在於追遠故銀青光祿大夫

守太子賓客上柱國冀國公竇希球名高懿戚位重周  
行在貴不驕每執謙而守約與物無競常隱耀而含華  
以是全真方期永命徂遷奄及震悼良深生而寵光已  
榮觀津之族歿有褒飾仍申渭陽之贈可贈太子太師  
賻物二百段米粟二百石應緣喪葬量事官供仍令京  
兆少尹田賓庭充使監護以某年十月二十六日歸祔  
於咸陽舊原禮也嗚呼善始令終者為侯家之貴安時  
處順者為達士之師目牛乎邀福之源忘我乎持盈之

地非懸解深識焉能及此昔之后族干政外家操權穰  
侯之負乘王鳳之專擅苟欲憑寵不知退身時主之芒  
刺生乎上國人之怨讟作乎下千載義士為之寒心公

則懲於斯誠於斯雖望重凡百思稱

一作稱尊

莫二承孝理

之深化當寵光之盛時而乃閉關偃息循墻俯俚無徒  
羨於當路每蕭條於執鈎清宴之間外言不入退食之  
暇時人不交其異讓也如此昔之姻黨不法舅氏過制  
成都之矜侈曲陽之僭奢既青瑛而赤墀亦秦鍾

疑作歌



而鄭舞部家虧於易道騁欲違於老經天下之人為之騰口公又懲於斯誠於斯雖師資藩邸羽翼龍樓富逾於百乘之家貴極於諸侯之爵而乃居簡行儉寡欲少思出無弋釣之娛入無羅紈之費絲竹宴衍視若塵埃池臺雕斲未嘗營起其素約也如此昔之倚勢為暴恃地作威武安之驕盈梁氏之凶蠹以豪詡而誣善以睚眦而殺人主意之益用不平謗書之紛然屢起四海之內為之囂囂公又懲於斯誠於斯雖南陵周親北闕元

老室家之皇枝帝戚猶子之尚主嬪王而乃謙不可逾  
卑以自牧忘大壯於榮貴思同人於醜夷公私遊聚小  
大無忤賓御出入閭閻不知其溫良也如此合是庶美  
歸于一貫謚之為靖不亦宜哉皇上軫敦叙之恩流平  
分之施自近推於及遠經邦始於正家不侮於邊夷之  
客而況於懿戚乎不遺於小國之人而況於純臣乎是  
故悲臨於渭陽感動於陟屺陪邑於先原建闕於貴里  
所以教天下之為子車通幟門加兵會同不錄班讌見

不呼名所以敬天下之為甥觀乎聖慈曲被皇明深視  
舅氏榮寵折衷於人言外宗法度儀刑於士禮當此時  
也以伯舅護儲兩以肆舅儀台司以大宗率譜屬以小  
宗通賙餼則官政條而家事理矣故五侯之第四姓之  
宗罕興一作興誦於遵人無纖羅於廷尉存則壽考沒則  
哀榮君臣交泰若茲之美開府儀同三司畢國公希瓌  
一作城非公之第三弟也親賢並茂德位齊優公嗣子無祿  
不及終事畢公執喪哀次義切天倫親率宗姻躬侍輶

紉威儀則序禮物其容詔葬紛紜傾城縱觀台臣白首  
陟崇崗而北臨宰樹青松瞻舊城而西靡有以知冀公  
之令名不殞盛德歸全畢公之至行惟殷孔懷纏慕迺  
俾夫具臣惟舊直質無華者書其實錄蓋取信於金石  
不欺於閭見云爾叙其詞曰

沔彼媯水福祥伊始坤道元亨后族清理靖公樹德含

章濟美温良淑人

疑脫四字

退讓維何温良則那就閑違劇

受少辭多金玉

疑

作人用金人緘其口事

三緘羔羊五紘國人無

忤宗親以和北闕元舅東闈上客吾邑百乘吾門萬石  
深保純素退藏虛白儀刑衣冠光我墳籍輔仁徒欺過  
隙難追朝野增慕哀榮在斯賻以國錢尊為子師興言  
渭陽何痛如之兆啓艷畢行臨秦鎬樹拱行楸根陳宿  
草歎息遺事闕沉故老勒銘豐珉敢告神道

贈太子詹事王公神道碑  
孫 逖

洪範五福一曰壽四曰攸好德全生養形者為壽而已  
非有德而不彰履仁蹈義者為德而已非有後而不昌

天生大賢神降元吉倚福祿而登祚膺者在宿預公焉  
公諱同暉字某琅琊臨沂人也其先有太子晉以啓其  
初謀有將軍翦以固其玄冑有中尉吉以大其儒門有  
丞相導以蕃疑作蕃其卿族自尊至公十有一代禮樂增  
業衣冠濟羨天下之人謂之著姓曾祖寬陳侍中祖諱  
之皇朝秘書郎父知無祿早世皆先達之良也公夙遭  
閔凶不稟嚴訓聖善所育孩提有成體恬淡之性資醇  
醲之德學無常主言不為華踐行而隱其轍跡襲明而

晦其光耀湛然以靜淵然以默故談者無得而名焉儀鳳調露之間太夫人春秋高矣願及親以筮仕豈要君而擇祿繇是解褐鄧州南陽丞六安不樂吾聞其語公則喜焉孝子之致養也秩滿授濟州司法叅軍垂拱中冤獄起州將薛顛伏法以公坐是失職十有餘載十年不調人以為難公即坦然仁者之處約也久之選授吉州司法叅軍以丁內憂哀毀過於禮幾至不全喪服既除哀聲未盡遂不如葷血於身矣神龍初調補司農寺

主簿時從父弟同皎選尚公主拜駙馬都尉公以國親  
封宿預縣開國男食邑三百戶得而勿喜知來者之不  
可却也尋坐駙馬所累調建州司倉叅軍失而無愠知  
去者之不可止也洎睿宗受命亡辜開釋授公中王府  
主簿尋又增秩朝散大夫於是乎見倚伏之回穴矣居  
歲餘制攝安州都督府司馬除太子舍人轉太子中舍  
人歷太子家令拜宗正少卿遷左庶子東封之歲表請  
歸閒制授亳州刺史致仕凡官歷二紀將疑作更五君



險阻則遇屯和平則之泰康強則陳力羸老則向晦命  
非吾有委運推移身非吾有與時消息動斯可效靜斯  
可則古之至人謂是全德春秋八十有四開元十六年  
七月十二日遘疾終於京兆安興里之私第皇上以公  
春華秋實之稱著于兩宮故贈以太子詹事飾終之禮  
厚莫重焉有司以公天經地義之德冠乎百行故謚之  
曰孝易名之典善莫大焉公束帶於朝端然齋肅目不  
迕視體無懈容其從官也常避右職其御下也務存大

旨不矯舉以求是不憂務以近名所謂建陵之長者也  
公雅好釋典尤邃禪門爰有別業使營精舍懸車之後  
隱凡于茲不出戶庭彌入真寂斯所謂維摩之梵行也  
公身居顯位子至大官萬石集門伯禽拜後而能謙約  
自退忠儉有恒占田必先於窮僻卜宅不更於爽塏所  
謂公綽之不欲也公屬之內開魯館者二人六姻之中  
降虞嬪者再世而能進不求寵退不失親遠而不携進  
而不偏斯所謂山甫之保身也詩曰瑟彼柞棫民所燎

矣豈弟君子神所勞矣宜王公之受茲第祿式是繁祉  
享高年以有終保令閭而不已者也初父疑作公娶於安

定皇甫氏即太子舍人德叅之孫洛陽縣丞寡過之女

溫惠成性徽柔作則降年不永先公即寘安厝之日公

為闕掾雖班秩有等丘封尚卑而精靈所寧歲月滋久

而公之克葬禮用上卿同於舊穴是廢王命祔於新塋

未達神理卜夢通感子孫是依魂無不之合乃非古以

開元十六年十月七日葬我孝公於偃師縣首陽山之

南原夫人舊塋之東禮也嗣子太子賓客邱懿文軌時  
清行動俗為國大器作人元龜不有教忠孰興于嗣不  
有移孝孰榮其親豐石未琢行楸已拱敷求作者枉逮  
門人昇闕里之堂實難論賦表太邱之墓多媿題銘銘  
曰

泱泱淮水世祚王氏於穆孝公是為端士動合元化靜  
符真理以道觀身以忠教子北帝疑印阜南瞻洛川還  
依舊穴更表新阡從古之制非今則然我我雙壠松栢

生烟

太子右庶子王公神道碑 前人

昔萬石君建陵侯

二字一作慶非

皆以訥言敏行前史稱為長

者然必式路馬未免於無文常盛賜劔且疑於任職大  
鈞所治粹美為難秉純德而苞偉量吾見之王公矣公  
諱敬從字某京兆人也其本曰魏公子信陵君之後秦  
人滅魏其處者為王氏氏族之世著于關輔焉漢有河  
南尹尊啓鴻軌於前載周有尚書令罷建休勲於近代

罷生明遠隋司金上士遠生壽隋州都七職主簿壽生  
詰皇朝同州河西縣令詰生慶皇朝冀州棗強主簿武  
氏革命之後實秉楚龔之節杜門自絕沒齒邱園公棗  
強府君之次子也元闕之所稟和高行之所貽訓德義  
之所府聚文儒之所膏潤宜其炳秀騰實蘭薰而玉振  
者也曩者大定中舉文擅詞場景雲歲辟茂才異等開  
元初徵文藻宏麗公三對策詔皆為甲科明試必可高  
明益著爾其用之吏事則岐州陳倉主簿京兆府武功

縣尉長安縣尉能理煩也施之儒術則秘書省校書郎  
太常博士著作佐郎能辨惑也繇是三入華省再登禁  
闥歷尚書禮部司勳員外考功郎中給事中拜中書舍  
人是時也張曲江李晉公更踐中樞公與徐安貞韋陟  
孫逖繼揮宸一作翰每至密命先發詔書即舍人草創  
之二相討論之王言式臧天監允洽訓誥之地斯焉得  
人遯於諸大夫無能為也居數歲命公御史中丞又改  
太子右庶子所以穆清粲憲翼亮元儲咸事正人疇與

為言若夫軍旅之事公能兼之故信安王禕張忠敬引  
以咨度清白之業公能守之故源乾曜韋抗皆有褒人  
之疾苦公能惠恤故宣撫江淮克論中旨國之軌度公  
能筆削故刊定格式允叶劄材於位詢於事若斯之飭  
備也而能褒光用晦體道安貞言寡尤行無悶

一作中立寡尤

獨無悶

勇於為善而不好立名直以全誠而未嘗忤物括

囊君子之德膺合至人之心以此持身全身保性之術  
也以此刑國鎮俗安人之具也而年不登於下壽位不



極於宗公未之或知自昔然矣春秋六十有二以開元  
二十八年五月二十八日終于西京靜恭里之私第其  
年八月十八日葬于咸陽洪瀆原禮也公兄曰易從故  
吏部侍郎弟曰擇從今京兆府士曹咸以文學齊名當  
代公始以對策高第則易從同科迨乎典校一作校秘文  
而擇從亦作其後歷青瑣掌黃纁兄既先登公能繼美  
萼跖之辭凡今莫如則難兄難弟之喻也公夫人弘農  
縣君楊氏一子曰寥左驍衛錄事參軍夫楊有敬姜之

德寥有曾參之行號天哭晝寧戚過毀公克葬之日雷  
雨頓歇於通衢反虞之際靈芝或生於靈寢神明昭假  
姻族嗟稱此又孝妻孝子之誠感也兄弟妻子生榮死  
哀士則嬪儀盡在於是嗚呼昔人所重同官為僚然而  
無述豈為心盡况承允友之深託復感其孤之至言宿  
草之墓雖云絕哭他山之石可以題銘用標京兆之阡  
願比延陵之劔其詞曰

昔與兄友雙遊鳳池平生景行非我誰知政事文學唯

所設施溫良恭儉不忘謙卑雅道無悔高年未極逝者  
如斯人焉取則墓門何有蒼蒼荆棘天道寧論空傳令  
德

文苑英華卷九百二

欽定四庫全書

文苑英華卷九百三

宋 李昉等 編

職官十一

王府  
官

邠王府長史陰府君碑一首

慶王府司馬徐堅碑一首

滕王府諮議杜寬碑一首

邠王府長史陰府君碑

張 說 集無

公諱某字某武威姑臧人也昔恭王之裔別封于管有

夷吾者能霸桓公則平周辭上卿之禮適楚踐大夫之職以地命氏授于陰城新野之涼皆為著族貴則重姻二后榮則一門四侯道則山紀神仙行則里題忠義建名崇德世有其人公高祖湘東內史鏗梁州之子屬詞比事天下宗之曾祖江州刺史通道館學士顥祖朝請大夫國子博士弘道考某官景明貽範清白纂烈文史累善所徵及公而盛公承禮樂之峻胄稟清明之異姿天生粹靈氣合真素下帷專思重席擅業至人藏用有

道德之鄉君子為儒無榮辱之境尚東郭以自逸與南  
容之不廢調補陳州司倉一作馬徵其志也以為非足利  
時不俟終秩遂優游初服述祖移年嘿志玄言洞心清  
律常手操經籍耳練宮商澹有怡神坦無嬰慮是可忘  
機造化豈徒屑意公卿而已哉故德充以外形才全以  
內濟委懷從運與道無名尋拜命宜城王府記室叅軍  
退一隅而無悶進三府以交辟署宰長可曲資而往曰  
惠人無小吾所從之其至也去惡如救焚急賢如濟渴

遇物風偃推心理裕平其志而異物不遷一其誠而萬情咸括清猷美績克存餘詠飛狐之地戎馬生郊俾公為蔚州別駕則惠化所存勇且知方肇建天人懋官靈器入為慶王友轉太子中允又拜國子司業邠王府長史或舉德以進或尚閑而退不失其正達識推高某年月日寢疾東都終於永豐第春秋七十有五惟公率心經於義德一作德義檢口絕於臧否秉禮樂而視正直蘊文藻而含清真可不謂才全而蹈道者歟位不兼濟惜也

夫人范陽縣君張氏丞相燕公之妹玄思妙德嬪風女  
師梁氏義輕於前志曹門克貽於後範府君之喪紀纒  
將縞晝哭成疾恐流年之易除慟累月而云逝歿而不  
朽者非禮節絕倫之謂道一作乎春秋若干以某年月日

合葬於龍門南陵原禮也公無子有二女咸以淑行著

於通門成

一作喪

葬克家感戚行路子婿吏部郎中吳興

張珣度支員外郎隴西李愷永懷清水緬託貞石庶乎  
時遷陵谷猶徵少女之詞道在宗親不昧諸姑之德大



人為頌俾小子序焉

同哉陰侯孝友仁信符彩外發清真內鎮史門文宗國  
子儒脩克家踵武金聲玉振結髮筮仕利用勸心雉馴  
風化鹿賦文章函杖禮樂雷門紀綱微言教胄直道匡  
王年惟大耋克茂精爽疾不彌留怡然長往世比過隙  
生猶絕嚮疑契均范張會阻天壤通家自昔永懷厥初  
昏姻之故言就我居富同鼎食窮共園蔬動心規戒言  
成著書奪我良友天其喪余南望龍門東都九原萬籟

酸骨千霜斷魂琴瑟都盡墳荒半存葬收子婿碑傳外  
孫人生到此天道何言

慶王府司馬徐府君碑

李華

君諱堅字某

唐宰相世系表  
作名倫字堅

名與宗人同故以字稱東

海郊人也象德所自如山積高佐人施澤如水鍾下三代以降仁賢不絕至宋齊間位望益尊三公令僕常伯卿將追贈哀司陪嬪帝女南朝衣冠宗正國子博士東莞男諱文遠有盛名於國朝東莞生王屋令士安柝城

以東人受其賜王屋生大理卿贈越州都督諱有功社稷之衛也高宗棄萬國太后臨朝宗室元臣以猜受釁

頑虐

一作虎非

阿指扇成大獄海內懍懍不保其生凶殘朋

黨齧牙蝨翼起于上國延及諸夏不止於此將圖我國

家三分烝人其一為血宗社垂靈而生大理俾幹刑典

扞蔽

疑作蔽

本朝元惡憚其義烈人鬼衛

疑作御

其愷悌惟

身與族隨正而行爭性命於豺狼之口解威怒於雷霆

之下大者完州郡小者活門閭累為群兇所排玷

一作活非

於破滅神佐貞獨終以真合昔咎繇事唐虞釋之定國  
當盛漢赫赫大理而丁此時功倍古人聲動百代是之  
謂也君即大理之元子直溫秉廉深於德行祖考之訓  
叢乎厥躬以蔭宿衛調臨郎疑主簿親累故也歷懷州  
叅軍邵王府戶曹陝州司法清方知名朝廷以先父之  
勞超拜大理司直聞者皆垂泣而喜平端讞議果振家  
風皇舅太尉希城以先大理嘗拔家寃表讓官於君以  
申蓼莪罔極之感拜恭陵令除陳州別駕改陝州入為

岐王府司馬轉慶王府階朝議大夫襲封東莞侯開元十六年四月二十九日終于洛陽南郊居春秋六十八不登期頤不至大官嗚呼惜哉天地之於物順也君子如之窮達之於人命也君子安之為疑作惟君德性與是

相準執親之喪哀毀逾禮迨啓手足不貽憂於墳墓孝也守官廉平未嘗違道干譽奉長臨下小大悉心一夫得罪則為之損容色有可緩者忻忻然出之仁也惠文太子之在岐卽膚敏好學上最器念四時鍾一作終非渥澤

賓客多詞人君每引道書滿盈之誠以扶俊德忠也仁  
孝與忠雖無位為貴禮所謂以道得人而已况承前人  
之烈光被聖代之冕服乎夫人贊皇縣君趙郡李氏北  
州望族左司郎中公掩一作海之孫杭州刺史自抱之女  
左司博古杭州知人訓成懿淑光配有德後君六歲而  
終合祔于濟源之燕川南原龜從筮後兆因德叶嗣子  
光祿少卿毅前蜀郡兵曹叅軍殷旬容尉毅出言舉足  
不墜孝慈毅行備忠厚辭無枝葉朗而不華直而容衆

有古人之情君子之度為大理正負荷前猷歷宰三縣  
牧守一郡人感懷之刊石繼起再蒞京邑不求名聲推  
心而理盛德有後曷其崇高神道聰明豈曠人欲君從  
父弟憚御史中丞陳留太守河南採訪清廉有威所向  
霽一作震肅大理歿而有中丞中丞歿而有光祿徐氏之  
興將在一一作左裔乎爰族幽兆與天地極是文也華闕媿

詞銘曰

三命益恭慶祚猶鍾矧我大理金人門宗扞蔽皇家枝

梧群兇百族感慕大哉勲庸克生茂德山鎮泉塞卷以  
道風舒為士則如何喆人終始藩國在昔偃王仁義道  
興汭源而下勲德相承或西討濟河或北義延陵又有  
達者魯連服膺綿綿世祀奕奕髦士晉宋齊梁名臣繼  
起薦躡公府連嬪帝子東莞以降羽儀清朝美矣哉如  
金如玉如翰如翹君子踐修德音孔昭抑抑仁人宜於  
進退合符黃老不皦不昧推心無方我德用大建世何  
居松門已藹水言孝思光祿有之式播芳烈為將來師



故滕王府諮議杜公神道碑 孫 逖

公諱義寬字某姓杜氏東都濮陽人也其先在周者為  
侯在漢者為三公在魏者以許昌居守在晉者以荊州  
作鎮則杜氏之世祿厥惟舊哉若乃其澤雷夏其州河  
濟顓頊起焉昆吾理焉則濮陽風化所馮厚矣不有純  
嘏孰生大賢公則魏陳留郡守亮之曾孫北齊膠州刺  
史竟陵縣開國侯保唐系表作加 之孫隋本郡中正鴈門郡  
守加世系表作保 之子承邁種之遺訓體清醇之上姿童而

典學冠而好古於是東涉汶泗北登鄒嶧講周公之德  
觀孔氏之藝則易之變詩之風樂之和禮之節書之政  
春秋之理人一以貫之達其本矣繇是大業九年以孝  
廉高第授河東郡法曹已而隋氏弗綱世充竊命我大  
宗文武聖皇帝是以有陝東之師公轉餉如役羸糧從  
徑軍無後爨士有餘勇鄭是以殞唐是以興帝將策勳  
公乃辭賞既不獲命請從叙遷因授虞州司倉叅軍貞  
觀二年改授普州安康令稍遷合州待疑中轉恒州別

駕雍州高陵令拜朝散大夫饒州長史遷蘇州司馬兼

滕王府諮議凡宰二邑做

疑作佐

六郡大小必誠遠近如

一其所在也使者昇聞其所去也邦人頌德且有兼官

之拜實固太宗之屏宜享三壽以諧百工天難忱斯不

可黜已春秋七十有二永徽六年某月日終於蘇州某

月日乃葬濮陽疊城之舊原禮也噫公之為人應變當

理有慶卿之善畫

疑作畫

徵考祥有董生之博覽威敵附

有穰苴之大略摧剛為柔有季布之高義雖運逢版蕩

而才偶經綸而或出當騁竒干賞蹈利託風雲之會邀  
日月之光則萬戶之封不足致也三旌之位曷云貴也  
而能卷其舌塞其允實居疑作虛明若昧不貪驟雨之

福以遠浮歎之害斯大雅之保身亦君子之向晦也泊  
天衢開泰皇運清明從官以養人而不為祿謹身以報  
主而不近名回翔郡邑三十餘載出處之際優游自得  
其古之恬勢利者歟初公之裔祖始宅帝丘時更大亂  
室無遺堵公因謂所親曰吾之世業為郡中正遺愛不

泯陰德在人施于子孫

闕

者于公高門之事可不

務乎用是改卜鮮原大起層構垣墉既曼棟宇斯飛輪  
焉與焉爰筮爰語及公之後斯事果徵一世其昌既開  
方國再世而大遂為相門論者以為知言矣爾其鄉黨  
之行閨門之德孝乃天繼仁為己任蒸嘗盡敬宴喜無  
荒祿利必賙於外姻譙讓不行於私屬故子弟趨教州  
里嚮風雖有嚴刑峻法不如公之潛道也詩所謂行歸  
於周萬人所望有令名矣夫令德矣夫有四子長曰儉

早世次無忝終於朝散大夫梓州益亭令次日慎行終

於益州長史建平縣開國男贈蜀州刺史次日惟志在二

唐書承志終於吏部員外郎贈吏部咸以大名克紹前烈豐

碑未樹梁木先摧孝孫戶部尚書暹國之故相也儉德


為輔正身立朝以伯夷之直清蕪張仲之孝友是用祗

率理命奉揚祖風作頌稱代刊石表墓留侯大父已傳

班固之書陳氏先生何愧蔡邕之述詞曰

昔公之先於周為祖及公之胤於唐為輔一德貽孫千

齡績祖身隔徂謝名存憲矩在濮之陽居河之許昞昞  
原濕濟濟榛楛別業年深先塋地古豐碑頌德式是東  
土



文苑英華卷九百三